

# Kuba se w'umwana

## Being a Dad

Kirundi/Ikirundi

**Ba se b'abana mu bibano vyose no mu mico kama ni ngirakamaro cane ku miryango. Hariho uburyo bwinshi bwo kuba se w'abana. Ingene ba se b'abana bakora ibintu bimwe muri Australia bishobora kuba ari bishasha kuri wewe.**

### Se w'abana hamwe n'imiryango

Ba se b'abana bafise uruhara riunini mu muryango, hamwe n'ukugene abana bakura n'ingene biga.

Imiryango irunguka igihe ba se b'abana:

- > bitonda kandi bihangana
- > bubaha umuntu wese wo mu muryango
- > bafise uruhara mu kwitwararika abana
- > bakingira abana ibibagirira nabi
- > baronka imfashanyo igihe bayikeneye.

Ba se b'abana bamwe baza muri Australia basanga uruhara rwabo mu muryango ruhinduka. Bashobora kugira uruhara runini mu kurera abana, cane cane iyo ata muryango wagutse ubafasha nk'uko vyahoze imbere yuko baza.

**Se w'umwana yitonda akitwararika atuma umuryango wose ukomera kurusha uko wahora.**



**Kuba  
se w'abana  
bishobora kukuzanira  
akanyamuneza kenshi.  
Ufise uruhara rukomeye  
mu muryango.**

Reka abana bagufashe  
gukora ibikorwa.  
Bishobora gufata umwanya  
muremure ariko vy'ukuri  
bibafasha kwiga.

## Ivyo ba se b'abana bashobora gukora

Ba se b'abana muri Australia bahimirizwa gufasha  
abana kugira ngo bakure kandi bige biciye:

- > mu kumarana umwanya nabo, kuvugana, gukina  
hamwe n'ukunezeranwa na bo
- > kubaba hafi mu ubuzima bwabo bwa misi yose:
  - mu kugaburira, kwoza, kwambika abana  
bakiri bato
  - kubajana kw'ishuli, ku baganga
  - kugirana n'abana inkino zo kwinonora canke  
ibindi bikorwa
- > gusangira no kuvugana n'abana ibiri mu bitabu  
- haba mu C'ongereza canke mu rundi rurimi
- > kubatera inkuru zijanye n'ubuzima bwabo bwite  
canke mu mico kama.

**Ba se b'abana barashobora kwigisha  
abahungu babo kwitonda no kwitaho  
abandi, hamwe n'abakobwa babo kwitega  
icubahiro mu migenderanire yabo.**

## Abavyeyi bashize hamwe

Imiryango irakomera cane igihe abavyeyi bafitaniye  
imigenderanire myiza, mbere naho batoba baba  
hamwe. Ni ngira kamaro kuri ba se b'abana guha  
agaciro abagore bose mu muryango.

Birafasha igihe:

- > ba se barerekana ko bitwararika. Fasha nyina  
w'abana kuruhuka, kwisanzura, kuja mu  
karuhuko
- > abavyeyi basangira ibikorwa vyo kurera, kandi  
bagafatira ingingo hamwe.

Iyo hadutse ingorane, ntimirwanire imbere y'abana  
canke ngo uvuge amajambo mabi kuri nyina wabo.  
Hariho amashirahamwe ajejwe gufasha ku bijanye  
n'imigenderanire mu miryango.



## Twovuga iki ku bijanye n'indero nziza?

Indero nziza bisigurakwereka abana no kubafasha  
kwiga kugira inyifato wipfuza ko bogira.

Birafasha abana kwiga igihe wewe:

- > ugira ukwhangana kandi ugasigura kenshi  
gashoboka, ico ushaka n'igituma gifise akamaro
- > uguma utekereje, naho woba ushavuye
- > ugerageza gutahura igituma abana bariko  
'bigenza nabi'
- > uvugana na bo kandi mutorere umuti hamwe.

**Gukubita canke guhana abana ntibafasha  
kwiga. Bashobora kwubaha ariko bakabura  
akaryo ko kwimenyereza gutorera umuti  
ingorane. Gukubita ugashasha abana ku  
mubiri biciye kubiri n'amategeko. Hariho  
abajejwe gufasha igihe woba ufise ibibazo.**

**Ba se b'abana ni  
uburorero ku bana babo.  
Igihe cose wigenze uko  
ugomba ko n'abana bawe  
bigenza.**



## Igihe ba se b'abana bafise ingorane

Iyo hari ingorane mu buzima bwawe, biragora cane kuba se w'abana.

Birashoboka ko habaho:

- > ukwibuka ivyabaye muri kahise
- > uguhagarika umutima ku bakunzi basigaye inyuma
- > ingorane z'magara, ubuzi, amaviza, akaborerwe, akamari, ibiyayura mutwe.

Birashobora gufasha:

- > kuvugana n'ishirahamwe. Ba se b'abana barahawe ikaze kandi amashirahamwe amwe arafise indinganizo sihariye kuri ba se b'abana
- > reka abana babone ko ibintu vyawe biriko biragenda neza kurusha. Bariga ingene botorera imiti ingorane bavyigiye kuri wewe.

**Ivy' ari vyo vyose vyoba biriko biraba, urashobora kuba se w'abana mwiza. Kora uko ushoboye kugira abana bamenye ko ubakunda.**

Guma uremesheje umuryango wawe mu kuwurinda intambara.

Ba se b'abana barafise akamaro na bo nyene. Fata akaruhuko igihe ubishoboye, kora ivyo unezerererwa, kandi witwaririke amagara yawe. Bonana na muganga nimba wumva yuko wama urushe, utamerewe neza, ubabaye ku mutima canke ushavuye.

## Intambara mu muryango

Rimwe na rimwe ba se b'abana n'abandi barakoresha intambara mu ngo. Iyo NTIVYEMEWE na gatomu mico kama iyo ari yo yose no mu kibano. Birahanwa n'amategeko muri Australia.

Ugukoresha intambara bishobora:

- > kuba ivyo ku mubiri, nk'ugukubita, canke ugusunura
- > kuba ibibabaza umutima, nko gutera ubwoba, kurenza urwamo, kubeshera umuntu, gutuma abantu biyumva nabi
- > kugenzura ivyo abantu bakora.

Intambara ibabaza uw'ari we wese mu muryango. Abana barababazwa n'umwitwarariko uterwa n'intambara n'aho batoba bawubona canke ngo bawumve. Bihindura ingene ubwonko bwabo bukora kandi ntibashobora gukura canke ngo bige. Intambara mu muryango ituma biragora cane ko abakuze kwitwararika abana.

**Nimba wumva ushavuye cane canke ushobora kugirira nabi umuryango wawe, rondera iyo uja kugeza utururuye. Kora uko ushoboye kugira ngo abana babe mutekanu ubwa mbere. Fata inzira zigushikana ku kwiga uburyo bwiza.**

Iyo habayeho  
intambara mu rugo iwawe  
rondera uwotabara muri  
ako kanya nyene. Iyo hari ho  
ikikugeramiye, akura polisi  
kuri 000.

## Amashirahamwe

### Ugutabara

000 Inyamirambi, Umuriro, Rusehabaniha (Police, Fire, Ambulance)  
13 14 44 guhamagara inyamirambi iyo hari ingorane ariko atari akaga kihutirwa

### Abasobanuzi

#### **Ikigo gisobanura indimi (Interpreting and Translating Centre)**

1800 280 203, isaha 2.30 mu gitondo gushika isaha 11 ku mugoroba, kuva  
kuwambere gushika kuwa gatanu  
Gusobanura kuri tefone canke amaso mu yandi [www.translate.sa.gov.au](http://www.translate.sa.gov.au)

#### **Ibikorwa vyo gusobanura indimi (Translating and Interpreting Service (TIS National))**

13 14 50 umwanya uwo ari wo wose haba ku murango canke mw'ijoro ku basobanuzi  
bo kuri tefone [www.tisnational.gov.au](http://www.tisnational.gov.au)

### Kurera

#### **Umurongo wo gufasha abavyeyi (Parent Helpline)**

1300 364 100 ku mpanuro zijanye n'amagara y'umwana hamwe no kurera

#### **Ibikorwa bijanye n'amagara y'umwana n'umuryango (Child and Family Health Service (CaFHS))**

1300 733 606, isaha 3 mu gitondo gushika isaha 10.30 ku muhingamo, kuva  
kuwambere gushika kuwa gatanu usabe umubonano. Inzoza n'abana batarakwiza  
imyaka itanu bavugwa ku buntu. Abaforoma barashobora gufasha mu vy'amagara  
y'abana, ugufungura, ugsinzira n'ugukura  
Raba aha [www.cyh.com](http://www.cyh.com) ku bijanye n'amagara y'abana hamwe n'amakuru ajanye  
n'ukura

#### **Ikigo c'Abaluteri citaho imiryango yo mu kibano (Lutheran Community Care Family Zone)**

8349 6099, isaha 3 mu gitondo gushika isaha 10 ku muhingamo, kuva kuwambere  
gushika kuwa kane no guhera, isaha 3 mu gitondo gushika isaha 9 ku wa gatanu  
2 Belalie Road, Ingle Farm  
Imiri y'abagabo yo kurera abana, imigwi y'inkino hamwe n'ugushigikira abagabo  
[www.lccare.org.au](http://lccare.org.au)

#### **Urunani rwo kurera abana (Raising Children Network)**

Amakuru yerekeye kurera hamwe n'amareresi mu ndimi nyinshi  
<http://raisingchildren.net.au>

#### **Parenting SA**

Utundi dutabu tw'abavyeyi tworoshe n'utundi rusangi two mu mico myinshi ku  
rutonde rw'ibigabane vyinshi, hari mwo 'Kuba se w'abana', 'Urera abana gute?'  
[www.parenting.sa.gov.au](http://parenting.sa.gov.au)

### Imigenderanire mu miryango

#### **Mensline Australia**

1300 789 978 umwanya uwo ari wo wose haba ku murango canke mw'ijoro  
Vugana n'uvutanga impanuro ku bagabo ku bijanye n' imbereho myiza,  
imigenderanire canke ibibakiye umuryango [www.mensline.org.au](http://mensline.org.au)

#### **Relationships Australia (Multicultural Services)**

1300 364 277 canke 1800 182 325 (abahamagara bari kure y'igisagara) isaha 3 mu  
gitondo gushika isaha 11 ku mugoroba, kuva kuwambere gushika kuwa gatanu

- > Ugushigikira imigenderanire mu miryango, abana n'imiyabaga, gukina akamaru,  
intambara, umugera wa SIDA, indwara y'igitigu [www.rasa.org.au](http://www.rasa.org.au)
- > Gufasha imiryango inyuma yo gutandukana  
[www.rasa.org.au/services/post-separation/family-dispute-resolution](http://www.rasa.org.au/services/post-separation/family-dispute-resolution)

#### **AC Care – Communities for Children (Cfc)**

1800 880 913

Imfashanyo ku bana bari hagati ya'emyaka 0-12 hamwe n'imiryango yabo iri muri  
Limestone Coast, Murraylands na Riverland, harimwo n'integuro y'uburezi ku bagabo  
[www.accare.org.au/family-children](http://www.accare.org.au/family-children)

### Amagara yo ku mutima n'ukumererwa neza

#### **Ishirahamwe rifasha abaciye mw'ihohoterwa n'abari mw'ihahamuka hamwe no kubasubiza mu buzima busanzwe (Survivors of Torture and Trauma Assistance and Rehabilitation Service (STTARS))**

8206 8900, isaha 3 mu gitondo gushika isaha 11 ku mugoroba, kuva kuwambere  
gushika kuwa gatanu  
81 Angas St, Adelaide; 11 Wehl Street, Mt Gambier  
Ku wo ari we wese yakozweko n'iyabayee nk'intambara, ugukoresha igikenye, kubura  
abo yakunda imbere yuko baza muri Australia [www.ststars.org.au](http://www.ststars.org.au)

#### **Beyond Blue**

1300 224 636 umwanya uwo ari wo wose haba ku murango canke mw'ijoro canke  
uvugane n'umuntu ku buhinga ngurukanabumenyi  
Amakuru n'ugushigikirwa iyo umuntu yumva ababayee canke afise umutima uhagaze  
Amakuru ari mu ndimi zitandukanye [www.beyondblue.org.au](http://www.beyondblue.org.au)

#### **Lifeline**

13 11 14 umwanya uwo ari wo wose haba ku murango canke mw'ijoro iyo umuntu  
yumva yuko ababayee, ahagaritse umutima, canke yibaza ko ashobora kwigirira nabi  
[www.lifeline.org.au](http://www.lifeline.org.au)

### Intambara mu muryango

#### **Kuronka imfashanyo ku bijanye n'ishavu canke intambara**

#### **Umurongo wo kwitabaza iyo hari intambara mu nzu (Domestic Violence Crisis Line)**

1800 800 098 umwanya uwo ari wo wose haba ku murango canke mw'ijoro  
<http://womenssafetyservices.com.au>

Raba kandi Australian Refugee Association, Australian Migrant Resource Centre na  
Relationships Australia kuri runo rupapuro.

### Amashirahamwe mpuzamico

#### **AMES Australia**

7224 8550, isaha 3 mu gitondo gushika isaha 11 ku mugoroba, kuva kuwambere  
gushika kuwa gatanu  
Aho ushikira, 212 Pirie Street, Adelaide  
7224 8500, isaha 3 mu gitondo gushika isaha 11 ku mugoroba, kuva kuwambere  
gushika kuwa gatanu  
2/59 Commercial Road, Salisbury  
Ibikorwa vyo guha uburaro impunzi n'abimukira baheruka gushika mu gihugu  
[www.ames.net.au/locations/find-sites](http://www.ames.net.au/locations/find-sites)

#### **Ishirahamwe ryitaho amagara y'impunzi (Refugee Health Service)**

8237 3900 canke 1800 635 566 (abahamagara bari kure y'igisagara) isaha 3 mu  
gitondo gushika isaha 11 ku mugoroba, kuva kuwambere gushika kuwa gatanu  
21 Market Street, Adelaide  
Ibikorwa bijanye n'amagara y'impunzi zishitse vuba hamwe n'abarondera ubuhungiro

#### **Ikigo ca Australia kiejewe ivyankenerwa vy'abimukira (Australian Migrant Resource Centre)**

8217 9500, isaha 3 mu gitondo gushika isaha 11 ku mugoroba, kuva kuwambere  
gushika kuwa gatanu  
23 Coglin Street, Adelaide  
Ibikorwa vyo gutanga uburaro imigenderanire, mu miryango n'ibikorwa birwanya  
intambara mu miryango ku bimukira, impunzi n'abarondera ubuhungiro  
Raba kuri [www.amrc.org.au](http://www.amrc.org.au) ku bibanza vyo mu gisagara n'inyuma y'igisagara

#### **Ishirahamwe rijejwe impunzi muri Australia (Australian Refugee Association)**

8354 2951, isaha 3 mu gitondo gushika isaha 11 ku mugoroba, kuva kuwambere  
gushika kuwa gatanu  
304 Henley Beach Road, Underdale  
8281 2052, isaha 3:30 mu gitondo gushika isaha 10:30 ku muhingamo, kuva  
kuwambere gushika kuwa gatanu  
1 Brown Terrace, Salisbury  
Imfashanyo n'ugushigikira impunzi [www.australianrefugee.org](http://www.australianrefugee.org)

Aka gatabo koroshe kayobora abavyeyi ni kamwe mw' 9 twateguwe na Parenting SA ku miryango mishasha yo mu bibano bitandukanye  
icinjira muri Australia y'efyo. Twashaka gushimira amashirahamwe menshi n'imiryango yaterereye ubuhinga n'ubumenyi bwabo mu  
gutegura utu dutabu, cane cane imiryango hamwe n'abakozi amafoto yabo aboneka muri two.

Parenting SA ifashanya n'Ubuyobozi bw'Indero hamwe n'urunani rwitaho amagara y'abakenyezi n'abana.

**Iterefone (08) 8303 1660**

[www.parenting.sa.gov.au](http://www.parenting.sa.gov.au)

Udutabu tworoshe tuyobora abavyeyi tuboneka kuri gusa muri Australia yefyo

Icitonderwa: Inkuru zirimwo ntizitwara ikibanza c'impanuro woshobora kuronka kuva kubantu babinonosoye.

© Reta ya Australia Yefyo igice c'ambere 01/2019.



Government  
of South Australia